


Рок II.

Число 5

Поштарина плаћена у готовом



## ОРГАН КУЛЬТУРНО-ПРОСВІТНОГО СОЮЗА ЮГОСЛАВЯНСКИХ РУСИНОВ

РЕДАКЦІЯ И АДМИНИСТРАЦІЯ  
Нови Сад, Футошки пут број 199

Нови Сад 3 фебруара 1935.  
Виходзи раз на тидзень.

Предплата: на рок 50 Динари, на пол рока 25 Динари, за загранице 2 Долари  
ПООДНОКЕ ЧИСЛО 1 ДИНАР

# НАША ДОРОГА

Наш Союз вжал себе за задачу національну борбу. „Заря“, котру видава Союз, коле очи українствуючим Василя Вышиваного, коле им очи, бо приноши историческу правду з нашей прешлосци котру би синожолто (белаво-жолто) офорбени сепаратисти сцели за вше поховац и народ з новим и видуманим баламуциц. Тоти, котрим мило було шицко цо мадярске пред войну, уместо да ше покаяли и прилапели свою русскосц, они облекли вышивану кошулю на себе як и Василь несудзени краль Соборней України. То би еще не було зло. Най себе українствую, лем народ, да охабя на миру, да го не баламуца и да го не водза по церньовей драги як и пред войну, да го не oddalюю од славянства, але, да го спріятеля зос власними братами Сербами и другими Славянами с котрима живеме ведно, на котрих зме упуцени як економски так и духовно. Зос своим баламуценьем справели китайски мур коло гарсточки Русинох у Югославіи и с тим му наноша огромну чкуду як моралну так и матеріальну.

По селох дзе Русин жіє змишани є зос другими народносцями, наша заєдничка домовина є славянска Югославія, та ше мame злагодзиц зос каждим Югославяном чи он бул Срб, Хорват, Словенац, Словак або избеглица Рус. То интерес милого нам отечества а и наш власни. Же ше заградзиме кинеским муrom od власных братох и пойдземе до тabora Мадярох, котри с поза границох гледаю свой

су блішши Мадяром як нам бо и их интелігенція добра часц у мадярских школах вихована а там ше не научела любиц Славянох. Славяне упуцени еден на другого у каждом погляду, бо лем так можеме оствариц виковни сон наших вельких людох, котри пре славянску идею страдали але од своих племенитих и здравих ідейах не одступели. Тераз треба привесц ділу идеали Славянства, кед нам то не спера ніхто бо мадярских жандармох нет, заш церпи русски народ од власних синох бо го не водза по правдивей драги, але го тримаю за немудрого Янка и сцу го одвесц на нову драгу котра народу непозната але исти ціль ма як и пред войну. А як була и позната кед о тей драги исторія не зна ніч. То цошкань нове як и сами признаваю, русске меню и по их писаню славне и добре, лем треба им цошкань нове, треба им украинство.

Як видице, мили браца и шестри, пред войну им було шицко цо русске не шумне, им требало панске мадярске а тераз по войни мame будовац и ушорйовац з власними братами свою власну домовину славянску Югославію и ту нас не пуща на миру. Им ані тераз русскосц не мила, не любя ніч цо русске та примели на себе не славянску пропаганду, най будземе и Украинцы Василя Вышиваного, лем Руси не. Наша борба праведна и победзиц мушиме, бо нас помога идеализм Славянства, котри моцнейши од бала-

## ПРЕПАДАНЕ БАТОГАШОХ У ДЮРДЬОВЕ

То фирма под котру вишла у „Р. Новинех“ виява п. п. Янка Хромиша, Дюри Хромиша и Кирила Арви. Виява и отштампана, але ей ше ані єден свидоми Русин не злек, бо стил и способ того писаня, аж крича, же су діло паноца Д-р Боича. Нам заряшом добре поznati стил и п. Янка Хромиша и паноца Д-р Боича. Кед чловек чита вияву створи му ше образ на котрим видзи паноца Д-р Боича при його писацей машини час нахмуреного а час з ошміхом задовольства як країнє вивед цалу ствар. Хто у вияви прочита перши ряди уж видзи на приклад: *непримушени, сами по своей дзеки, не нагваряни, ані од паноца Д-ра Боича не премушени виявю-єме.* Праве тоти остатні слова доказую же ту паноцець Боич ма замишани пальци бо звуча так, як правдане дзеох кад дацо зробя, та гваря я не робел то. То го и зрадзело, бо так нігда не писал ані не будзе писаць природно інтэлігентны и даровиты чловек яки є п. Янко Хромиша. Цала виява и толковане пана Янка Будинскаго пахнє по стилу п. Д-р Боича.

Нас то не изненадзело, ані зме ше не злекли. Можеме лем телько повесць: „Ликуйце п. Д-р Боичу бо ваш превеліки успих по-сциднути“. Кед ше дахто цали рок трапи у борби и задоволюєше зос тим най будзе. Пущме каждого най у своим ужива, еще кед вежмеме шицко на вагу и оценіме значай цалого поготово кед би п. Д-р Боич бул щири, и кед би пред народ винес голу правду под якима оконносцами машина за писане у його парохиялним званію „фамозну“ вияву написала и як є потписана, теди би ше указал тот **вельки** успих. До подробносцох ше не упущеуме гоч их знаме, бо не мame за то потребу. Временом то видзе и саме, як гвари сербска пословица: „заклела се земля рају, да се сваке тајне знају!“ Тот успих праве личи на пораз. Убедзіць зос красним дакого, отворено, то ше може волац побіда. Не мame кеди о тим малесеньким успіху роздумовац, але іздзeme далей до борби и то до чесней борбы, котру єдину и поштуеме.

За пана Янко Хромиша можеме и тераз лем похвално спомнүць, знаме же є тварди Русин, щири поборнік рускосци та ше не боймем за нього, же од своих национальных идеяох одступи. Жичиме му вельки успих на новим терену а же остане до конца свидоми и очува своё тварде русске я, будзе од велькай пользы за наш виками намучени народ та гоч до хторых новинох будзе писаць, лем ше обаваме, же наайдзе на моцну цензуру

котра му не дошлебодзи його шлебодним духу, да ше вияшні так як сце. Хто дожие и увидзи, жаль би нам було, да ше разочара.

Цо ше тиче мотиваціи вияви, уж зже напомли, же є не щиро написана там ше спомине же „Заря“ ше міша до вирских вопросох треба и то у два три слова розяшніц: „Заря“ ше з вирским вопросом не пошвецела на то су „Руски Новини“, котры нашого члена п. Янка Виславского богослова нападла и погваряла и, не була на тельо кавалер, да отштампа и його одбрану. Як русски националисты міне могли одбіць його просбу, да пред народ пред котрим є очарнени пущиме и його одбрану. Коло „Зарі“ ше находза Русини націоналисти, з котрих су єдни грекокатоліци а други православни и злагодза ше, та нам мили брат и грекокатолік як и православни, прето зме мушели дошлебодзиц да ше очарнени брат пред народом и пред свою родзину оправда. „Руским Новином“ послал свой оправдане, але му то не штампали бо пан Янко Виславски бул скорей их сотрудником, прецо ше розишли то знаю обидва заинтересованы страни, то их чисто вирска ствар. Ми п. Янка Виславского пріяли як русского націоналиста, пріяли би зме го без обзиру чи є грекокатолички чи православни богосаов, нам гланни національни роботнік. А же ше з вирского вопросу з німа розишел и як таки бул очарньовани та ше мушел у тей ствари и браніць, то його лична а не „Заріова“ а еще мене Союзова робота. Цо о тим писал и потписал то, та кажди видзи же у чим лёжи ствар, най лехчайше викруциць шицко, зато нас то ані не руша. „Руски Новини“ не требали очарньованац пред цалым народом бувшого своего сотрудніка а же го уж очарньовали и огваряли требали го пущиць да ше и його глас чуе, и у суду ше перше чуе тужитель а вец и тужени бо лем так мож принаць праведни суд.

Правда же „Заря“ крем одбранбених статтіох п. Виславского виношела и исторически факты з нашей прешлосци и там винесене як ше насправди и стало та „Заря“ не виновата, же цали швет знає о славных событийох, котры ше скриц и прецихнуц не можу ні пре чию любов, бо би теди були видуманіи а не исторія. Чи „Заря“ тому виновата же дакеди цали русски народ бул єдней вири и то православней и же мала частка под цудзим ярмом кой на силу кой зос спрэвоцку одступела од своей вири, то не видумала „Заря“ але писали наученяци других не заинтересованих народох. Кого то занима най себе чита исторіи и лексикони русски а и других народох та нам да заправо.

Як з коментару видзиме там ше хвалі п.

Янко Будински же п. Д-р Боич на свой способ отвергал народу очи руцаньом блата на Союз. Знаме же зна шумне бешеди отринац а друга е ствар чи тоти бешеди и добри.

Паном котри вияву потписали, дзекуєме на сотрудби, жичиме им успих и шицко найлепше, ми их не будземе очарньюац бо то не наша метода, препушчиме то нашим противніком, котри крича, же нашо гесло „циль оправдава средство“ а котри еще не можу доказац же зме го на ділу и указали, як то тераз зробел писатель вияви у грекокатолицкей прохіи на машини. Хто куколь шее не зродзи му жито, але то цо пошал. Русин

## НОВОСТИ

**П. Др. Душан Глумац** професор бенгальского университета дал свой одвіт на посланицу католицких бискупів. Опіширно побива неосновану посланицу. З радосцу читаме, же то прочитал и у нашей „Зарі“ бо пише медзи іншим слідуюче: „Захвални зме нашим братом свидомим Русином, же ше дзвигли проців такей анаціональнї роботи и у новосадській „Зарі“ (од 27. I. т. р.), протестовали проців тей окружности русинського уніятського бискупа Нярадія..“

„Заря“ ше трудзи, да пороби на збліжованю и злагодзеню медзи шицкими братами Славянами и будзе віше ставац у одбрану руского народа.

**Руцела своё дзецко до шнігу** Юла Тотец служніца из Селниці на Мури при Марибору. Однесла дзецко мацери Ивана Кобрича ёй фраера та кед вона нёсцела дзецко пріяц, руцела го до шнігу и сцекла. Другі дзень нашли бідне дзецко змарзнуте. Бездушну мацер Юлу Тотец влапели и дали ю суду, дзе будзе покарана за тото страшне діло.

**У Смедеревскім Дэрму** ше стало страшне нёщесце. Александар Голубович ше женел. Рихтала ше свадзба до церкви на вінчане. Александрови цошкаль небуло добре та замодлел свою мацер, да му да дакус паленки. Мац збунета коло рихтаня велького полузденку за свадзбу, дала му фляшочку ёдну думаюци же то паленка. Млоди насыпал до чаши и кед випил страшно го почало круциц у бруху. Цала ше свадзба злекла, гричали за помоц, бо легінь випил „гром есенцю“. Лікара на бліско нє мали. Зос кочом го однесли до болницаи але уж було касно. Док ше борел на живот и шмерц жадал, да го пуща дому бо ше сце винчац. Нє дочекал

**Мали школяре** у Румі справили тайну организацію „Чарна рука“ и „Поджемни вампір“. Слаби школяре бали ше, же пре нєучене спадню та ше удружели и вжалі себе за задачу, же того професора, котри даєдному да слаби оцени, да го забию. У піньвици гамназії ше учели штреляц и опходиц зос ножом. Мали и своё рядово легитимаці зос фотографію свого главного „шефа“ школяра Будяна Дачича. Кед туту организацію открыли та з вельким запрасценем видзели же медзи німа ест и дзивчата. Цалу заверу открыла єдна професорка у реальней гімназії, кед влапела писмо єдного хлапца, котре давал другому. Признали шицко же ше учели с пушкох и револьверох штреляц, бомби руцца и т. д. Вирукіи буде зос школи и покарані а гу тому справили неприємносци и вельку ганьбу своим родительом.

**Запалел свою хижку**, котра була оцигурана Жига Приможич, тарговец зос Птую (Словенія). Згорела хижка и дутян, чкода виноши 300.000 динари. Пенежы осигураник не достал бо ше з истрагу утверdzelo же ю сам запалел у надїї, же достане пенежы котри му требали. Заварти є тераз ведно зос своим помагачом Яковом Майценовичем. У Птуйским срезу до тераз було таки 140 случаў.

**У Грчкей** принесла влада пре кризу ришене по котрим завре шицки манастири у Святей Гори. Поднешени єден помирліви предлог, да шицких монахах змесца до двох-трох манастирох. Пред войну ше тоги велі манастири витримовали лехко бо их помагали русски царове а богати людзе ходочасніци богато віше даровали манастири та ше и монахи намножели. После войны то шицко отпадло. Монахи ше розишли так же осталася лем єдна трецина. По грчко-турецкей войни грчка влада до св. Гори населела худобу котри ше настанели по манастирох. Монахом будзе досц два-три манастири а худоби будзе с тим поможено, бо буде мац жем котру пред войну уживало 15 000 монахах.

**Міліони котри випадли з авісну.** Англіцки авіон вожел злато зос Паризу и на велькай висини пришол до безвоздушного простору и нагло падал долу. Запаковане злато випадло и глібоко ше зарило до жемі же будзе требац велько часу док го найду. Вредносц виноши 22 000 фунти штерлингу.

**На острове Цейлону** (Азія) влада обераца хорота маларія у огромных размерах. Найвецей умераю дзеци, кожди дзень даскельсто. До тераз ест преко 8000 мертвих.

**50 жени** у Турскай ше кандидовало

**Югославијски сокол** ма коло 400 тисячи членох. Буджет за слідующи рок виноши коло 8 милиони динари. Сокол Кр. Югославиј ма 2.452 јединки од чого спада на друштва 934 а на соколски чети 1518.

**Револвер нашол** на драже 14 рочни Мирко Хаџан из села Яшково при Горним Карловцу. Положел го до кишенки и док бегал, револвер штрелел. Куля трафела нещасног хлапца до першох. Пренешени є до болници, ал€ му не було помоци, умар.

**Фордова фабрика** автомобилох ше ма вибудовац того року у Букурешту. Румунска влада преучела условія п. Форда и нашла же су повольни.

**Неповолани госци** на свечарох у селу Велика Река при Вучитрну. П. Душан Търович славел свою славу Св. Саву. Мал вельке друштво. Коло полноци кед газдиня пошла до кухнї по вино на својо запрепасцене видзела под столом скритого вовка, котрого гонели пси. Скричала „куряк!“ Госци зос карсцелями сїй пришли на помоц. Ёден станул до дзверох а други го били, сцели го забиц. Вовк скочел на газдиню котра од страху випущела лампу так же ше розбила и була цма. Кед принесли другу лампу настала нова борба з вовком. Били го а вон розярени скочел на гевтого у дзверох, вон ше злек, отворел дзвери и сцел сцекац. Вовк кед видзел отворени дзвери вилєцел помедзи ногах своих мучительюх и страцел ше у цми. Госци наставели далей својо вешеле у франти яки юнаци були.

## ЗОС МЕДИЦИНІ (лїкарства)

Изолација и дезинфекција су моцни способи за борбу процив оберацих хоротох. Зос нїма, як и зос дезинсекцијо (унїчтожоване дробних животинњох як паткані, блихи, били вши и т. д.) витаманєти зос наших крайох куга, колера, а губа, повратни и пегави тифус ше ище по кус отримую у найзапущених и найн€чистейших крайох як є то у Югославиј н. пр. Босна. На тот способ обераци хороти зменшани голем на трецину, бо ше дезинфекција и дезинсекција нїгде не випольњују у потполносци, досц су драги а народ за нїх не ма досц сцелосци и похопеня, а изолација не потполнна бо народ обиходзи и хорих од оберацих хоротох гоч ше то бранї. Имунизација найсовершенији способ одбрани од оберацих хоротох, до нешка лем ёдна имунизација потполно виведзена а то є пелцоване процив чарнїх покох. Од кеди є у европских державох обвязатно од теди нес-

тало тей чешкей и опасней хороти. Пелцоване процив вельких покох бранї длуго (найменей 7 роки), а процив других хоротох трае велько кратши час (3 тижнї до 3 роки). Зато кед наидзе векша зараза од нїх, теди ше приступа и пелцованю, цо дава чловечству огромни пользы. Так за тераз постої успишне пелцоване и процив брушного тифусу, колери, дифтериї, паратифуса, пелцоване процив збешленини па у новши час и пелцоване процив шарлаху и туберкулози (ефтики).

До трецей часци бактеријох пришлї би тоти, хтори уходза до нашого цела найчастейше през органи за претрову храни и то найчастейше през черева. Векша часц и остава у черевох, ту ше множи, отац виволує хороту и труе чловека як є то случай при колери, дизентериї и других преганячкох, а менша часц уходзи зос черевох и до креви як є то н. пр. при брушним тифусу и паратифусу. Вони ше уноша до цела найчастейше зос воду и другим пицем л€бо зос ёдлом. Зос цела вони ше вируцую найбаржей зос вельку нужду, зос блюваньом а и зос мочом. Зос тих стварох их можу рознесц на першим месце мухи, котри шедаю и до нужнїка и вшадзи а и на ёдло. Кед муха не одлага шедн€ на ёдло л€бо спадн€ до води (мл€ка и т. д.) вона ту захаби добру часц бактеријох цо ше на нїй находза. Бактериј можу войсц и зос воду цо ше у нужнїку находзи до жеми а отац и до студнї кед нужнїк и студня блїско. На тот способ можу войсц 4 метери глїбоко до жеми. Кед наиду поплави вони нанешу воду и до нужнїкох и до студньох а и по цалей жеми, теди ше бактериј барз лехко порозноша. Зос мухами и заражену воду дойду и на овоц и желенаву. Бактериј ше находза и на рукох и шматох хорого як и на посцельних стварох у хторих вон л€жел, а и на стварох у обисцу хтори хори дорушовал. Пре то лехко дойду зос дорушованьом и на нашо руку та отац зос ёдлом до устох та ше лехко похориц. Брушни тифус и колера ше часто преноша зос воду. За то ше и нагло ширя на велько людзох. Кед дойду до студнї од кац векшина села пие воду, за кратки час ше у тим селу разшири хорота. Дизентерия ше меней ширит зос воду, як зос ёдлом. И на ципелох ше до обисца можу ун€сц бактериј горнїх хоротох. Гоч ритше ал€ ше и зос прахом разноша бактериј.

Дакле кед знаме на яки ше способи можу преношиц и тоти хороти, веџ зме лехко годнї порозумиц способи на хтори ше мож и треба очувац од нїх. О тим будзе писане у идущим числу.

## О СУЕВЪРІЮ

(Продлужене)

Еден піп у Темеринъе дал два келнерици вимальовац на автомобил як талисман. Алье му тот „чудотворни“ талисман не помог, бо кед пришол до свойого валалу, и кед ше дознал же го овечки охаблют, на ключ замкнул капличку (церкву) и ключ однесол зоз собу. Як видзице, против судбини нѣт талисмана. Тот піп не войдзе до исторії книжевности, але войдзе до исторії борби твардого знака против мегкого. — Ест таки людзе котри мают намеру творити зло, а випада вше добро, ибо не досц лем енергично упорно робиц, але треба и счастье мац. И знова гварим против судбини нет талисмана.

Една мадярка у Пешту ше кажде рано купала дома у кади у млеку, да будзе крашша. Да лем то робела, то би не было вельке зло, то би было лем Суевъріе. Алье она тото млеко после купаня тунью продавала да го худоба пије. Прето то уж не аутосугестія, не културтрегерство, не суевъріе, а то злочин, и то у свойо время визвало велькій скандал.

Италіянскій генерал Нобиле, кед на воздушней ладъи пошол випитовац съверній пол, то вжал зоз собу пса як емблем, бо му тот пес вше дотльи щесце приношел. Але на тотраз „чудотворни“ пес не помог, бо му ше балон розбил, а Нобилова експедиція ше спущела, спадла на едну льядову санту. Немецки новини теди у 1928/29 р. твердзели, же кед им нестало едзенія и пришол глад, же Нобилова експедиція почала есц месо едного свойого друга, котри ше змарз т. е. умар. Италіянцы сцели указац як високо стойи их култура и техника, а доказали, як зоз чловѣка легко постава животиня. Як то было тачно ше не зна, а кто зна, тот не гутори. Але цошка мушело буц, бо Нобиле кед го руски ледоломци спасли, и кед ше вон врацел до Италіи, бул виволани пред суд и вжали од нього генералски чин. Сцем вам с тѣм повесц, же пес як емблем бул лем суевъріе, и не помог. Против нещастя нет лѣка. Против глупости исто нѣт лѣка.

Не чудуе ме, кед людзе нещестливи, горбати, или други богальсти прето, бо служят другим на потсмѣх и забаву, прето бо им каждій однімиа животну радосц, прето разумим же ше у таких горбатих людох назбера злоби, жолчи и злурадости. Горбъ то телесна униформа и указуе на душевни свойства того сорта людох. Нашо противники котри би требало да будут олицетво-

же починам вериц, же ест и душевній горбъ, же ест и душевно прокажених. Против душевного горбя лѣка нѣт. Дуркнутому не мож доказац же е дуркнутій. Бритка дзівка вше вину кладзе на жвератку. Так и нашо противники вше свойо грѣхи на нас лѣпя. Гварим против душевного горбя не помога ани детелина зоз чтирма листьями, ани хвост од слепого миша (статьи на тему бобальки с маком; кастрація — напишем други раз). Но я думам, же би серп учителя Махно успешно помог, но то уж спада до области *operatio rusticana* а не спада на тему суевъріе. Тельо ест швета без души! Чи ест таких, котри имаю по два души да им едн пожича?!

Островидович

## ЯК ВОЗНИКЛО (ПОСТАЛО) КОЗАЧЕСТВО?

(Продлужене)

Конечно, тоти Татари ше зрущели (постали Русинами, русифицирали ше). Треба знац же еще при галицко-русских князех, як Льву, Юрію, Андрею и Льву II и при Юрію II (Болеславу Тройденовичу) у Подолії аж коло нинішнього Тернополь, Чорткова постояла юдна *орда* (держава), котра же тиж зрущела (русифицирала). Но попри тому ипак зрущени Татари зачували татарски слова за означене dakotriх родох оружія, начальства и войсковых приспособленійх. Так вошли до русского языка слова: *атаман* (значи начальник), *есаул*, *кош* (лагер, обоз) и т. д.

Але тоти козаки не могли витримац цалу навалу татарской орди (держави), так же *Витовт* и його наслідніки, велики литовски князи, видумали еще други способ оборони (одбрани). Вони построили три линій одбранбених замкох (градох) зос постоянну (сталну) стражу под начальством старостох. Гу кождому замку одредзене було одвисне число воїнох, служних на кажды призив (поволане) старости явиц ше у полному вооруженію, да ше непріятель одбіє и да му ше не да упаднуц до нукашніосци *литовскаго государства* (держави). Кажды таки воїн получел (достал) за свойо отrimоване жем а жителі села були обязани (должни) жем обрабляц и ношиц еще други повиносци. Таки воїни получели (достали) названіе *земяне*. До земянох поступели не лем *бояре*, но и людзе других сословійох (ставох), цо веций и dakотри од селянох.

Року 1482 кримски хан, Менгли-Гирей предпринял велькі поход на Литву и ужасно опустошел южни сїй жеми. Скорей поставени

невски Евстафій Дацкевич, задумал увеличить козацьку погнанчу стражу и на ю по ложиц главну задачу охраняц граніцу от набігох Кримчаньох. На городненским сайму, року 1522, вон виступел с предложеніем да ще застроїа острова на рѣкѣ Дніпру зос замками и да ще там содержую постоянни гарнізоны и пѣщих (пешацких) и конных козаков, но предложеніе то не было осуществлено (остварене). Осуществел (остварел) го около 1556 года князь Димитрій Иванович Вишнєвецький, воспѣти (ошпивани) у народних пѣснях под именом „Байда“. Вон бул, подобно Евстафію Дацкевичу, пограничним старостом, отважни (шмелі) чловек, котри любел воени походи. Вон построел укрѣalenie (тврђаву) за прагами Дніпра на острове Хортицѣ, але у недостаточносци силох и трудносци (чешкосци) прокармиц гарнізон приужден бул вскорѣ охабиц Хортицу.

Року 1569 между Польську и Литву була заключена так зовима **Люблінска унія**. Обѣдва держави зляли ще в єдину державу под единим кральом избираемим од шляхти польской и литовско-русскої и зос общими соймами. Волынь, Кіевщина и Подляшье отошли от Литви и були включени в состав Польских жемох. Подолію еще пред Люблінску унію присвоела себе Польська. У тих южно-русскоїх жемох заведзени були польски порядки и польска шляхта почала громадно поселяц ще до нїх. За време литовских часох седяне у тих жемох були скоро шицки шлебодни, гоч жем не була их собственносц (власносц), но по Люблінскай унії польска шляхта почала ту заводзиц тзв. *крѣпацтво* т. е. подданчу неволю сельского населенія. Населеніе, хотячи ще избавиц од неволї, почало избегац гу ровніном Дніпра и присоединяц ще гу козаком. На тот способ придніпровске ко-зачество достало чисто русски національни характер и противположносц — даже ненависц гу польской шляхти, почала буц його характеристичка черта.

Рѣка Дніпро, почавши от Александровска, розліва ще широко и дзелі ще на рукави, облівающи множество (даскельство) векши и менши острова. Напроців Александровска лежи остров Хортица. От Александровска до впадаия рѣки Конки, на простору 30 километрох, образовала ще опширна, низмена и болотиста (блатнява доліна, изобилующа богатими сѣнокосами, камишом (шуваром, надом) и дубами. Ёст то упоминаеми в козацких пѣснях „Великій Луг“. Острови Дніпра покрити кустарником (корчами) и високими камишами (травом). Они представляли удобни места, у котрих козаки могли нападац на непріятеля. Не раз вплівал до того

лабиринту\*) островох турецки флот (ладі); но козакох найц не мог.

Так на тоти острови убегали пред неволю каждого рода людзе, но у векшини були то **Малороси**. Вони гледали убежища у „Сѣчи“, то єст в месце пребиваня запорожских козаков. Обоз (лагер) козаки назвали „Сѣч“, бо го заводзели на „висѣченам“ то єст, очищеном од кустарнікох (корчох) и древох месце. С початку „Сѣч“ була на Хортицким острове, потом — в предлуженю цалей исторіи запорожской Сѣчи до 1775 года — вона ще преношла ще 7 раз на други острови. Вище Хортици Дніпро ма водопади або „пороги“, а понеже козаци шедзели нїжей од „порогов“, то их называли „Запорожцами“.

Козаки, живши в Сѣчи составляли „кош“, а титуловали (волали) себе „товаришами“ (друг) Доступ в ряди сѣчевого товарищства бул севершенно свободни; од нового вступающаго требовало ще лем признане православней вири, обязательство (должносц) защищац (чувац) ю и подчинене общим правилам войска. Войско ще дзелело ще на „курені; кажди куренъ выберал себе куреннаго атамана, котри водзел бригу о хозяйствству (газдованию) и шицким внутреними дѣлами, а начальником над цалым войском бул избираеми од цалога войска на „радѣ“ (общим собранію) **кошови атаман**. Вон мал на помоц также избираемых — войскового судью, писара и есаула (капитана). Шицки тоти должностни лица избирали ще на єден рок, но могли буц зменены и раньше, кед войско з німа не було задовольне.

\*) У стацінних грекох було преданіе о подземном заліві (будовай) зос таку масу прещекающих ще коридорах (ходників), же кед дахто до ныго вшол, заблукал ще и виц не могол.

Янко Виславски, богослов.

## СЕДЕМ ДИЯКОНИ

Розлики медзи Православними и Уніятами — Греко-католиками

4

Дзеже тата „тварда“ вера у Петра, кед ще трираз одрекол Христу? — Св. Августин (уніятски) гутори у CCXLIV бешеди: (*sermo in diebus Paschalibus*) о св. Петру так же наводзи Бристово слова по Матею (16, 16-18): „Така вера ще страцела чим бул Господь роспяты. Петро дотлі верел у Сина Божого (кед му гварел: Ти еси Син Бога живаго), док го не видзел же виши на древу (кресту), док Го не видзел зос гвоздамі прикованаго, док Го не видзел мертваго, док Го не видзел погребенаго. Теди страцел (Петро) шицко цо мал. Ево по латински: „Talis fides Domino

crucifixo absorpta est. Tamdiu enim, Petrus Filium Dei creditit, donec videret in ligno pendentem, donec videret clavis affixum, donec videret mortuum, donec videret sepultum. Tunc perdidit, quod tenebat. Ubi petra? ubi firmitas petrae? Petra erat ipse Christus, ille autem a petra Petrus. Ideo surrexerat petra, ut firmaret Petrum: nam perierat Petrus, nisi viveret petra!" (col. 1148). Дзе ту камень? Дзе твердосць каменя? Камень бул сом Христос, а од того каменя постал Петро. Зато и воскрес камень, да утверди (и увери) Петра: *бо би Петро починул да не ожывел камень!* Чи вам ясни тот доказ? Цигурни сом же ясно виложел св. Августин!! Лебо вон того писал у ненормальним станю?

Укратко: Нічия вира а найменше Петрова ше може назваць каменем Церкви, бо камень не Петро але Христос! И вец не потребно да темель будзе дажи чловек як би то уніяти сцели. Ми православни верели а и више будземе вериць, же темель Церкви то Христос — Бог, а не — чловек, ца гоч вон и с. Петро!

3) Уніяти твердза же Христос дал Петрови привилей першенства! А то аргументую зос словами: „И дам ти ключи царства небесного и ёже аще свяжеши на землї, будет связано на небесих и ёже аще разришиши на землї, будет разрешено на небесих“. (Матей 16, 19-20). А дзе сце охабели тово: „Тебе давам цо шицким дане. Tibi tradō quod omnibus traditum est“. (Migne s. l. t. 38. col. 1349.) Дзе ту юридички примат (першенство)? Ту ясно гутори: цо Петрови дане то шицким дане! Па чи лем Петро приял ключи а Павло не? Приял Петро, а Яков и Иван и гевти Апостоли не прияли? Чи ключи не ў Церкви, там дзе ше даваю св. тайни? А кед по вашим учено лем Петро приял ключи т. е. право разгришоваць, вец зос яким правом разгришую владикове уніяцки и священіці??? Дакле з того виходзі же сами повеце на мою драгу, же не лем Петро добил ключи як и шицкі апостоли, од апостолов епископи, од епископох презвитори.

А ево и доказ: Кед би Христос наисце так Петра привилейовал, вец би не були та-  
кой на початку медзи вирнима таки бешеди:  
„Єдни гуторели же су Кифово (Петрово), а  
други вирни гуторели же су Павлово, а цо  
сцели буць найлепши гуторели же су Хри-  
стово!“ (Кор. 1, 12). Чом же вец шицкі не  
пештую найбаржей Петра, але ше єднако  
поволую на Павла. — Доказали зме дотераз,  
же Петро не темель, же нема першенство.  
Таке дацо себе бере и присвоює папа рим-  
ски!!! Тото цо ані не було!

## ІСТОРІЯ РУССКОГО НАРОДА

Приредзел Ніколай Д. Олеяров

### 20. Історія югославянських Русинов

а) Хто ми и чио ми дзеци?

Ми, югославянски Русини дзеци найвекшого народа у Европи, котри нешкы числи до 180 міліони души. Ми, югославянски Русини дзеци того истога велького и славного русского народа, котрого дзеци су и наша власни браца: Карпаторосси, галицкы Русини, буковински Русини, украински Русини, Білорусини, и московски Русини. Шицкі ми ведно з німа сочинюєме єдну вельку русскую фамелію од 180 міліони души а ведно зос нашима славянскими братами: Поляками, Чехословаками, Сербами, Горватами, Словенцами и Болгарами сочинюєме єдну вельку славянскую фамелію, котра числи до 250 міліони славянских душох. Найвекші отже народ у Европи, то наш руски народ, а наймногочисленейші племя у Европи то славянске племя.

Зато ми, югославянски Русини, мame право, можеме и мушиме буц горди на то, же приладаме гу найвекшому народу у Европи, и наймногочисленейшому племену у Европи, — племену славянскому. Ми можеме будь горди на богатство русской исторіи и богатство русской культуры, котра є и наша історія, наша культура.

б) Отклад ми походзиме?

Наше нешкайше отечество, у котрима шицкі задовольно жіем, котре зос широкого шерца любіме, бо є славянске, як і ми Славяне — є наша мила славянская держава Югославія. Но ми, нашо претки, не жили више у тих нешкайших югославянских краёх. Нашо претки, нашо прадідове приселінне до дакедишніх мадярских краёх, до ровней, и житородней Бачки зос нашого праотечества — зос Карпатох або зос Горніці (Подкарпатскай Руси). Нашо праотечество, отже, є у Карпатах, у нашей милей Горніці (Подкарпатскою Руси), котра є у осуществліві Русску Галичину, Буковину, русску Україну и зос другими русскими краями.

Зато ми, югославянски Русини, поймі нешкайшого нашого отечества — Югославія, треба да любіме не лем друге нашо отечество, нашу русску Подкарпатску Русь, не и други несоединени русски краї, як русску Галичину, русску Буковину а особено нашу матушку Россію и Україну, у котрих нешкы большевики паную. Треба да тоти русскі краї любіме прето, бо вони нашо исто так

и таки су нам исто мили як и нашо нєшкайше отечество Югославія.

Нашо претки, як сом гварел, приселєли пред давними часами зос Горнїци до житородній Бачкей. Но да видзиме, под якими околносцями вони охабели своё родни краї, своё красни вароши, своё красни рички и пришли до цудзого теди швета. Причини тому селеню ёст велько.

По вигнаню Туркох пред 300 роками южни краї Мадярской були барс слабо на-селени. Бивали ту нашо славянски браца Серби, которих число ше досц повекшало зос селідбу Сербох под Арсенем Чарноевичом.

Тоти краї, заселени зос нашима братами Сербами по думаню тедишиного австрійского правительства (клади) требало пополніц зос другими нєславянскими народами. Тедишине австрійске правительство водзело таку политику, же нещерпело други народы а особено славянски и недопущело им да ше вони у своей віри и своим родним языку развиваю. Особено пак того правительство австрійске не сцело ніяк церпиц, да други народы буду другей віри а не католіцкей. Зато и царица Марія Терезія и ей син Йосиф насельовали помедзи братох Сербох католіцких Словакох, греко-католіцких Русинох т. е. нас, и розуми ше немцох. На таки способ ше австрійске правительство надіяло, же и наших братох Сербох на спревоцку покатолічи, як цо и нас на Горнїци недавно тому назад покатолічело, исто на спревоцку, бо народ о тим ніч незнал. Но, але браца Серби ше не дали так лехко спревесц, бо вони до нєшкы затримали себе свою прадідовску православну віру, віру своїх оцох а то можу задзековац лем своей велькой народній свидомосци.

Так преселело австрійске правительство и наших преткох — прадідох зос Горнїци 1746 року нійперша до Русского Керестура. Даскельо фамеліи ше уж теди приселели до Коцура. Року 1763 Редл, коморски администратор послал Петра Киш-Сабадоша на Горнїцу, же би позберал до 150 русски фамеліи за село Коцур. Перши Русин населени у Коцуре волал ше Андрей Тимко 1765 го року приселло до Коцура 41 русски фамеліи а 1768-го 42 фамеліи. Занимліво напомнуц, же док ше Русини до Коцура не приселєли, бивали у Коцуре нашо браца Серби и мали церкву там, дзе нєшкайша мадярска, але кед Русин преселели, Серби осетели же и их сцу превесц на унію (греко-католіцку віру) та охабели Коцур и одселели ше де других селох як: Деспот св. Иван, Шове и т. д. Кед ше пак року 1800 досц вельке число наших

Русинох с Коцура преселело до Шиду и Беркасова на добра крижевацкого владики, теди на их места приселели до Коцура Немци (шваби).

Векша часц наших преткох походзи зос Боршодской вармеді зос околици Мучань. Менше число походзи зос Абаўскай, Землинской, Шарышской и др. вармедьюх, дзе и нєшкы биваю нашо Русини, котори исто так бешедую як и ми а волаю их: Сотаки.

Зос Керестура и Коцура населели други нашо русски села: Дюрдьов 1875—80 року и други нашо села, дзе широм нашего милого отечества Югославіи биваме як: Нови Сад, Ст. Вербас, Господінци, Шид, Беркасово, Андриєвци а у найновших часох Брчко и Гуня.

Так од даскельо фамелійох наших преткох зос Горнїци постали цали русски села, котори ше и далей барс крашне развиваю и напредую.

### в) Мадярски угнетаня и борба нашого народа проців мадяризації

Кед Мадяре достали власц до рукох и вони ше прилапели политики Габсбургох по-католічиц шицки своё пороблені народи и створиц єдинствени мадярски народ. Тота политика мадяризації була порихтана особено за Славянох, котори у векшини насельовали „Серпську Войводину“, а особено тата политика була порихтана проців нас Русинох, котори зме немали теди скоро ніякай народній организації и народній свидомосци, док браца Серби були теди добре и народносно и вірски организовані, та им мадяризація не могла телько начкодиц як нам.

Тото исто ше зробело и зос нашима Славянскими братами Словаками. Дорас по буни (1848 року) населени бул Темерин зос Словаками, на которим ше найлепше нєшкы видза страшни пошлідки мадяризації, бо од дакедишиного чисто словацкого-славянского Темерина мame нєшкы чисто мадярске село — помадяреных Словакох, котори лем по своим зачуваніям народним словацким облечиву пригадую на свою шумну славянску- словацку прешлосц и свою славянске походзене (попрекло).

### Б Е Р З А

Пшеница: бачка, потийска 127.50—130 славонска 127.50—130, среднє-бачка 127.50—130, сримска 125—127.50 и горньобанатска 122.50—127.50.

Кукурица: Бачка и сримска 65—66, 68—70.

Ярец бачки и сримски не нотира.